

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 65 0 St 1035843 23 St  
Sarajevo, 10.05.2024. godine

Općinski sud u Sarajevu, i to stečajni sudija Ivana Kulić, u stečajnom postupku nad privrednim društvom „AZ“ d.o.o. Sarajevo, ulica Koševo broj 6, Sarajevo, dana 10.05.2024. godine donio je sljedeće:

### **RJEŠENJE**

Stečajnom upravniku Seadu Bajramoviću određuje se naknada u iznosu od 580,50 KM.

Stečajnom upravniku Seadu Bajramoviću određuje se nagrada u bruto iznosu od 1.500,00 KM za obavljene poslove stečajnog upravnika.

Nalaže se računovodstvu ovog suda da stečajnom upravniku Seadu Bajramoviću isplati navedene iznose na tekući račun.

Isplatom teretiti depozitni račun ovog suda na koji je predlagač Balić Gordana uplatila predujam u iznosu od 4.500,00 KM dana 20.07.2023. godine kod ZiraatBank BH d.d. Sarajevo, prema nalogu za uplatu.

### ***Obrazloženje***

Rješenjem ovoga suda od 18.12.2023. godine, otvoren je i odmah zaključen stečajni postupak nad stečajnim dužnikom i istim rješenjem za stečajnog upravnika imenovan je Sead Bajramović iz Sarajeva, ulica Trg ZAVNOBIH-a broj 4.

Stečajni upravnik je obavio sve poslove koji su mu naloženi pomenutim rješenjem, te obavio sve ostale poslove u ovom stečajnom postupku. U podnesku od 09.04.2024. godine stečajni upravnik potraživao je troškove postupka koje je kao stečajni upravnik platio iz svojih sredstava, te naveo da ukupni troškovi stečajnog postupka iznose 580,50 KM.

Prema članu 77. stav 4. Zakona o stečaju FBiH stečajni upravnik ima pravo na nagradu i naknadu u skladu sa pravilnikom. Shodno navedenom, imajući u vidu obim poslova stečajnog upravnika, sud je u skladu da članom 3. stav 2 tačka c) i č); i članom 7. i 8. Pravilnika o naknadama i nagradama za rad stečajnog upravnika i članova odbora povjerenilaca FBiH („Službene novine FBiH“ broj 4/22 od 14.01.2022. godine) da se nagrada stečajnom upravniku u predmetima u kojima nema stečajne mase za unovčenje, određuje se paušalno u iznosu do 1.500 KM, donio odluku o nagradi stečajnom upravniku za obavljene poslove.

**STEČAJNI SUDIJA**  
**Ivana Kulić**

**POUKA:** Protiv ovog rješenja dozvoljena je žalba u roku od 8 dana od dana objavljivanja putem ovog suda Kantonalnom sudu u Sarajevu. Žalba se podnosi u tri primjerka.